

茶館客話

元

5 曾 5
571
1



門 1 曾 5
號 371
卷 1

茶會錄

茶餘客話

茶餘客話題詞



吳江楊復吉



凜冽西風雪作冰
衡門飽繫望觚稜
一編入手雙眸豁
別盡寒窗五夜燈

幾載長安碾轍環
素心攸託著名山
蒐羅都付如椽筆
思在夷堅雜俎間

史才學識擅三長
珥筆端宜入玉堂
會見洛陽爭紙貴
行間薰得馬班香

訪古常停問字車
生平癖嗜在虞初
漁洋而後君其

茶餘客話卷一

續苦吮霜豪讀素書

茶餘客話卷一



山陽阮葵生吾山著

烏程戴 璐菴塘選

康熙辛丑元旦早朝禮畢同赴內廷獻壽大學士馬
公齊以下十四人時大學士王公頊齡年八十松公
柱蕭公永藻王公揆張公鵬翮田大司農從興皆七
十以上馬公及貝大宗伯和諾孫大司馬柱頤大司
寇都陳大司空元龍党揔憲阿賴年皆七十蔡大宗
伯升元張大司寇廷樞年六十八上有

茶餘客話卷一

壽考之君下多平格之臣賡拜一堂千古佳話

內閣北墻下有楮樹一株陳文貞廷敬愛之公事畢移書案坐其下焚香啜茗召中翰分札咏詩以爲常復命鴻臚序班禹之鼎繪卷曰楮意圖公賦詩中翰皆和之

國初乙酉江南解元張湘曉九徵視學河南乞歸康熙十七年歲舉博學鴻儒冢宰郝恭定惟訥薦之貽友人詩云少不如人何況老身將終隱又焉文又遺懷云虛名空好羊公鶴肥遯深慚梁伯鸞京雒少年

爭獻賦伏生接武賈生難人以是知公不出山矣子文貞公玉書性淡泊從不肉食日粗糲一盂或山藥少許官庶子爲明史總裁湘曉貽書戒之曰此非養身之道食不厭精汝未讀鄉黨耶退直後宜靜坐片刻養身節勞勿以膏自焚也古樂府殺君馬者路旁兒謂竭馬之力以娛道旁耳目吾慮汝之馬力竭矣文貞聞命悚然加一餐焉

陳海昌之遴薦吳梅村祭酒至京蓋將虛左以待比至海昌已敗盡室遷謫塞外梅村作拙政園山茶歌

感慨惋惜蓋有不能明言之情園在蘇州婁齊二門之間嘉靖中王御史獻臣因大安寺遺址營別墅以自託潘岳拙者之爲政也文待詔圖記以志其勝後其子以稊蒲一擲償里中徐氏國初海昌得之復加修飾珠簾甲帳烜赫一時中有寶珠山茶三四株交枝連理鉅麗鮮妍詩中所謂斝如天孫織雲錦頰如姹女燒丹砂吐如珊瑚綴火齊映如蠅螭凌朝霞是也然主人身居政府十載未歸圖繪詠歌目未睹園中一樹一石及窮老投荒穹廬絕域黃榆白草父子

熒熒而此園已籍沒縣官爲駙防將軍得矣旣爲吳逆婿王承寧所有益復崇高雕鏤備極華侈滇黔作逆永寧俱而先死康熙十七年改爲蘇松道署欽哉散爲民居其梓楠城塼皆輸京師供將作陳其年維崧詩云此地多年沒縣官我因官去暫盤桓堆來馬矢齊裨閣學得驢鳴倚畫闌盛衰之際良足感也德清蔡翁精子平之學一日史胄司夔過訪蔡告以南中生一孫推其命頗富厚若遲一時則大貴史叩其日時太驚曰子今歲得子正其日月時也蔡曰此

兒必入閣卽今文靖公貽直也京師傳爲佳話康熙辛酉胄司攜眷入都泊舟水驛生子家人往來岸上聞一鐵工家亦生一子問其時正相同歸告胄司心識之字之曰鐵厓後二十餘載文靖已官清禁胄司南歸復經其地欲驗舊事親行訪之則門宇如故一少年持斤斧椽作甚勤問之則辛酉某日生者也公歸竟夕不寐旣乃悟語客曰此四柱中惟火大盛惜少水制幸生舟中得水氣補其缺若生于鎔冶之地則以火濟火全無調劑矣

憲廟賜張文和廷玉春聯曰天恩春浩蕩文治日光華張氏歲歲貽之後京官家度歲易桃符強半書此二語近日比戶皆然

王文簡士禎酒次戲拈絕句灤鮑黃羊滿玉盤菜鷄紫蠚等閒看不如隨分開茶餅春韭秋菘未是難又舉東坡一詩云秋來霜露滿東園蘆菹生兒芥有孫我與何會同一飽不知何苦食鷄豚曾記陳勤文世信煮粥詩云煮飯何如煮粥強好同兒女細商量一升可作三升用兩日堪爲六日糧有客只許添水火

無錢不必作羹湯莫嫌淡泊少滋味淡泊之中滋味
長淺語有味已丑夏日禾中魏松濤作喫粥詩予和
之云香于酪乳膩于茶一味和融潤齒牙惜米不妨
攪菜荳佐餐少許抹鹽瓜

張涇南可寇照墜馬傷右臂幾折時方進呈落葉倡
和詩道用左手書楷凝厚蘊藉無一筆呆滯真造化
手也張南華學士鵬翀贈詩云驟馬天街一蹶中險
將折臂兆三公翻身學士疑成瓦擊掌仙人不是銅
漫笑莊生虛攫右早誇杜老妙書空斷碑半載渾難

補天遺重完賴國工時得蒙古良醫百日全愈

徐東海乾學爲司寇時人贈以聯云萬方玉帛朝東
海一點丹誠向北辰謝病歸

御書光芒萬丈四字以寵其行

徐仲山召誠歸益都馮文毅贈聯曰北闕上書識盡
西京才子東軒賜食歸貽南國佳人仲山夫人商氏
明冢宰等軒幼女後年八十容貌如二三十歲好女
朝夕惟飲乳汁猶耽花讀書不衰

殷彥來譽慶頌王文簡一聯云天下文章莫大乎是

一時賢士皆從其游聞錢亮功名世游京師除夕以
聯送王文簡云尚書天北斗司寇魯東家由是知名
後送權貴句云分陝旌旗周太保從天鐘鼓漢將軍
因之謔官

康熙辛酉高江村士奇入直禁中乙卯冬設詹事府
補錄事一曰賦紀恩有空對西風嘆二毛之句是年
三十二歲

上憐賜御書秋興賦丁巳冬擢內閣中書庚申夏擢
翰林院侍講葉文敏方鵠贈詩云麻衣獻賦立彤墀

喜見龍頭一笑時內府錦襦邀帝賜天街官馬任君
騎侍臣盡識銀鈞體官女爭吟璧月詩自是九重稱
特達從來不藉魏無知

三殿三門禁扁勵文恪六十外以恩貢給事史局議
叙四川州同將之官會殿門易額史官翰林書皆不
合式人荐書扁稱

旨授編修至七十二歲開坊歷刑部侍郎贈尚書予
謚子文恭廷儀強仕入詞館十年不遷洊陞刑部尚
書予謚孫宗萬十七歲入翰林亦官刑部侍郎

馮益都文毅溥攜諸名士雪中遊善果寺晚歸取陳
檢討其年詩令毛西河和一人倡韻一人給寫隨唱
隨咏信口占吐不許停刻亦絕伎也同時如龔芝麓
司寇高念東少宰皆以捷敏見稱毛西河奇齡自言
爲文每日可一萬字爲詩每日可一千句陳其年言
腹中尚有駢體文千餘篇恨手不及寫耳視宋仇萬
頃未達時筆脚賣詩每首三十文停筆磨墨罰錢十
五不足數矣趙松雪自言一日爲一萬字夔子山自
言一日能爲三萬字以檢討之才得平章之手斯兩

美合矣

康熙辛卯壬辰間京堂小九卿課出學差浼臺中疏
叅翰林部郎不可出學差一時造爲小說有小京卿
密謀翻大局死御史賣本作生涯老郎中掣空籤望
梅止渴窮翰林開白口畫餅充飢四段見鄭寒村梁
詩注

寒村二絕云博學鴻儒本是名寄聲詞客莫營營比
周休得尤臺省門第還須怨父兄補牘何因也動心
紛紛求薦竟如林總然博得虛名色袖裏應持念四

金此等語刻之時集殊爲不學蓋一時延賞虛聲及
閱閱子弟之驚者亦不無濫舉云

田山舊未入翰林弟需館選後寄以詩云此事亦
尋常于我獨無分云先是裁推官改知縣山薑就試
中書第五入署視事遭同年翰林某侮辱嘗嘆云北
門草制姑自乾符內翰宣麻號稱供奉笑彼紛紛乳
臭標勝氣于眉稜亦且截截謗言誇清班于頰舌又
詩云休言京兆除書近搖落于今已六年及試博學
鴻詞首先交卷復被黜題溫飛卿詩後云一代才名

乾牋子八义吟手亦徒然不教詞賦陪雕輦空讀南
華第二篇不十年官大鴻臚巡撫江南又題陸賈傳
云坑焚滲漏笑強秦劉氏功憑馬上臣椽史武夫兩
行隊中間迂腐一詞入此當有所指陸在漢初頗有
文藻新語外春秋後語南中行記感春引典詰文心
雕龍載其曰是爲子虛上林之先聲也

王漁洋司理揚州讌遊紅橋詞云北郭清溪一滯流
紅橋風物眼中秋綠楊城郭是揚州西望雷塘何處
是香魂零落使人愁澹烟芳草舊迷樓一時傳爲絕

調屬而和者遍江南北以吾鄉邱季貞太史象隨爲
最清淺雷塘水不流幾聲殘笛畫城秋紅橋獨自倚
揚州五夜香消殘月夢六宮釵落曉風愁多親煙樹
戀迷樓

李高陽文勤丙戌進士越十二年戊戌由學士大拜
熊孝感文端戊戌進士越十七年乙卯由學士大拜
高陽年三十四孝感年四十一此後惟蔣文恪溥五
十歲大拜

王漁洋嘗言李高陽之于曹頌嘉禾梁正定之於汪

蛟門懋麟馮益都之于陳舍人賡明玉璵魏栢鄉之
于董秀才文友以寧服膺贊嘆不啻若自其口出諸
君皆及門士而文友與栢鄉未嘗識面是之謂知己
勵文恪以編修賜第厚載門張文端以諭德高江村
以待講朱竹垞以檢討俱西華門江村先以詹事主
簿賜第後蔣揚孫查聲山皆賜第西華門內
桐城張文端嘗云五六年來得一法一身五官百骸
聽其與憂喜煩苦相纏綿獨守方寸靈府之地製爲
一坡堅閉四門不許憂喜榮辱進退升泥勞苦生死

得失一切之念闖入其中或稍踈虞打入片刻卽忙驅逐仍前堅守若此外之聲音笑貌惟有聽其波委雲屬與憂喜相浮沉而已更有安心一法非理事決不做費力挽回事決不做敗壞生平不可告人事決不做衙門中事一切因物付物一事當前只往穩處想不將迎於事前不留滯於事後所以每卧輒酣當食輒飽視斗室如千巖萬壑燭下濁酒一杯以解飢飭清琴一曲以調心氣此則一二年來之又一進境較之昔時急於來退以致形神交困者則差勝也

尤西堂伺晚年嘗言不講學而味道不梵誦而安禪不導引而攝生此吾所以異于人也築生壙官山自爲之誌構丙舍於兩旁年八十時偕老友二三人往來觴咏於其中風流近代所少

高念東少宰珩愛嚴瀨山水忽得句云願作杭嚴道生平遇宴飲賦詩必擇坐客一人代書歌行近體術口而出如宿構執筆者幾腕脫閱一過輒棄之稿不存漁洋所謂咳唾珠玉而用如泥沙也

初修明史之時徐東海延萬季野斯同至京主其事

時萬老矣兩目盡廢而胸中羅全史信口衍說貫串成章時錢亮工尙未達亦東海門下士才思捷敏晝則徵朋酒夕則晉接津要夜半始歸靜室中季野踞高足床上坐錢就炕几前執筆隨問隨答如瓶瀉水錢據紙疾書筆不停綴十行並下略無罅漏史稿之成雖經數十人手而萬與錢寔尸之噫萬以者諸生繫國史絕續之寄詢非偶然錢之才亦曷可少哉馬章民世後下第留京落拓殊甚以行卷謁芝麓司寇司寇讀至而謂賢者爲之乎題至後比數亡主於

馬齒之前遇與王於牛口之下河山方以賄終而功名復以賄始七十年以前之歲月已淪七十年以後之星霜復變少壯未聞諫書而衰齡反同販豎云云司寇淚泫泫墮曰李嶠真才子也歲暮贈炭金章民得白金八百兩明年遂狀元及第賢哉司寇非褊心者所能及也

趙秋谷執信以下卯國喪赴洪昉思寓觀長生殿劇被黃給事六鴻劾罷時徐勝方編修嘉炎亦與譙對薄時賂聚和班優人詭稱未與得免都人有口號云

國服雖除未滿喪何如便入戲文場自家原有三分錯莫把彈章怨老黃秋谷才華迥絕儁少年科第儘風流可憐一箇長生殿斷送功名到白頭周王廟祝本輕浮也向長生殿裏遊抖擻香金求脫網聚和班裏製行頭徐豐頤修髯有周道士之稱後官學士聞黃給事由知縣行取入京以土物並詩稿遍贈諸名士至秋谷答以柬云土物拜登大稿壁謝黃銜之刺骨故有是劾

朱牧仲嘗言文康公撫導化日苦旱有司循例請禁屠沽文康出示曰天人一理人事不修則天變于上苟人不爲惡卽飲酒食肉何足干天地之怒哉各宜痛加修省其屠沽如故三日後大雨人皆服文康之達

王文貞公崇簡嘗建言帝王廟祀宜及守成令主因列商中宗以下七人又言宋臣潘美張浚宜罷祀詔從之公爲禮部尙書年六十三以老乞休年七十依古人以每歲盡讀五經爲夏課嘗作青箱堂記云階前闢露臺方丈餘夏秋日暮父子兄弟六七人率

坐臺上或莊論詩書或稱述祖德旁及故舊家世之興衰以爲勸戒公家輦下出身寒素父子同時官九卿享上壽乞休於主恩方渥之時視其子爲宰相倚祥林下者十有五年而一生端謹無可指摘可謂極人爵之榮者也

吳梅村晚年精於星命之舉連舉十三女而子暉始生時唐東江孫華爲名諸生年已強仕赴湯節會居上坐梅林戲云是子當與君爲同年唐意拂後戊辰暉舉禮部東江果同榜或贈梅村五十生子詩云九

子將雛未白頭明珠老蛙正相求蘭閨自唱河中曲

十六生兒字阿侯蓋少妾所出後官兵科給事中

吳漢槎兆騫戍寧古塔行笥携徐電發銑菊庄詞成容若德側帽顧梁汾貞觀彈指詞三冊會朝鮮使臣悅元吉徐良崎見之以一金餅購去元吉題菊生詞云中朝書得菊庄詞讀罷烟霞照海湄北宋風流何處是一聲鐵笛起相思良崎題側帽彈指二詞云使車昨渡海東邊攜得新詞二妙傳誰料曉風殘月後而今重見柳屯田以高麗紙書之寄來中國漁洋續

集有新傳春雪咏蜜微織弓衣指此

徐立齋登己亥狀元授職後嘗召至便殿門問家世及父母年歲兄弟幾人立齋具奏

上嘉歎曰尔可以當孟子三樂之一矣一時以為榮道庚戌健菴及第立齋已任大司成或贈詩云祭酒先成文廟禮探花初采上林芳尔時釋褐豈竟弟坐而兄非耶癸丑果亭及第人館立菴以掌院司教習具疏題明免果亭教習曠典也後來查初白慎行入館揆愷功叙掌院揆為查受業弟子亦奏明免查教

習

韓慕廬宗伯莢以諸生被斥壬子應京兆試以第一人中式癸丑會狀虛心好學至老不倦嘗語人云吾貴為尚書寧如秀水朱十以七品官歸田餘晷飲水多讀數萬卷書耶

孫愷似致彌以布衣名動京師

賜二品服充朝鮮采詩使士論榮之既歸戊辰成進士官翰林至學士然一生憂患多在坎壈之中馮定遠班題其集云蠶吐五采雙雙玉童樹發寶蓋清談

卷一
梵宮未絕好宋詩也

葉訥菴司寇晚年駘背行步緩欵欵側時人謂如乃
字張京江身軀短小而一足跛

計改亭東云子與陳其年同讀書於宋司業德宜家
其年居西舍子東舍燈火相照子不能夜坐而喜早
起其年吟咏必至夜分而起每遲其年好爲驚艷絕
麗之文子嗜蒼涼古盾之作兩人性不相易然至相
梁

明末史忠正閣部可法殉節時相傳尚無嗣息弟可

程官北京不遠其後裔無有問之者雍正初鄧東長
宗伯鍾岳督學江左試有童子史姓年四十餘其祖
書可法名心異之詢之則閣部孫也蓋督師赴揚寄
琴白下有孕妾于滄桑後生一子延史氏之脉因家
焉鄧公偏詢諸老生對無異詞及閱其文疵累百出
鄧公曰是不可以文論錄之邑庠而刻石署壁以記
其事俾後之視學者毋憑文黜陟也故史生得以奇
矜終而家亦稍裕焉天之祚忠節不絕其後詢非偶
然而鄧公恤孤苦心亦不愧古人也按斬茶坡集有

送史愚菴梅花嶺展墓詩愚菴道鄰子鼎革後流寓
山陽又揚州志名宦傳載史公死後養子直求其屍
不得招魂葬衣冠焉愚菴當卽直耶

霍亮雅者曲周人任俠嗜酒一擲百萬卒後申烏盟
作傳邑人劉津逮輓曰門前債客雁行立屋內酒人
魚貫眠吾鄉程嗣立風衣好結納名流視黃金如土
晚作詩云滿頭白髮來偏早到乎黃金去已多周曰
民振采改到字作信字徐笠山廷槐以爲一字師

顧茂倫選元百家詩實至輒留座上常滿寔家無儋

石江左有薺菜孟嘗君之號

朱竹垞葬尊在翰林咏史云漢皇將將屈羣雄心許
淮陰國士風不分後來輸絳灌名高一十八元功海
內詞章有定稱南來庾信北徐陵誰知著作修文殿
物論翻歸祖孝徵因此爲人所嫉

茶餘客話卷一終

茶餘客話卷二

山陽阮葵生吾山著

文淵閣無其地偏質之先輩博雅諸公皆無以答王
白齋司馬申笏山光祿皆以為在大內亦是臆度之
詞予意今之內閣大庫彷彿近之當時楊廷和在閣
升菴挾父勢屢至閣繙書撰取甚多又典籍劉偉中
書胡熙主事李繼先秦命查對而繼先即盜易宋刻
精本觀此情形必非內庭深嚴邃密之地而沈景倩
謂制度隘隘昏暗白晝列炬當時俱屬之典籍云

云則與今日大庫形勢宛然如繪且紫禁殿閣綺牕藻并浮思玲瓏惟皇史宬爲明季藏本之地則石室磚簷穴壁爲窟蓋以本章要區防火爲宜今大庫之穴壁爲窗磚簷暗室較史宬尤爲晦悶則爲當日藏書之所正與史宬制度相合

璐按此作於辛卯年癸巳建文淵閣於文華殿後藏四庫全書且設直閣校理檢閱等官

桐城張文和公雍正丁未十月授文華殿大學士至戊申五月改保和殿後此多以初入之銜爲定不更

卽如劉文正公拜相十年終東閣而後入者尹高俱文華阿溫俱武英陳劉俱文淵其行步班次不以殿閣爲敘

按本朝殿閣首中和次保和次文華次武英次文淵次東閣體仁近年楊應琚楊廷璋俱授體仁不終其位

內閣大庫藏歷代冊籍並封貯存案之件漢票簽之內外紀則具載百餘年詔令陳奏事直九卿翰林部員有終身不得窺見一字者部庫止有本部通行惟

閣中則六曹咸備故中書品秩雖卑寔可練習政體
博古而通今也不難予于辛巳夏直票簽九月卽派
入武英殿繕寶譜地球圖說未得久於其地計百餘
日中粗繙外記一過夜直之期檢閱尤便每次携長
蠟三枝竟夕披覽不倦當時十五六日方輪一夜班
每代友承直他人亦樂以見委聞近日中翰以夜班
爲苦互相推避誠不可解然予終以未得快覩大庫
爲憾緣典籍掌庫事資深者方轉典籍惟探開庫之
期隨前輩一觀塵封插架灰進積土中隨意抽閱皆

典故也

內閣副本每屆年終派漢本堂中書查對送貯皇史
宬內辛巳之冬祝宣誠前輩維諾應斯役子偕往觀
百數十年之章疏積若崇山而毛西河所稱史宬規
制仿右石室金匱者皆得親見其盛今之史宬卽明
之南城舊址惟所稱異種名葩則無有矣

內閣翰詹科道吏禮二部皆按科分敘前後輩終其
身不異不以官職年齒爲低昂初衰於吏部禮部繼
之後翰林人衆後生居多往往脫略近則內閣不甚

卷二
如舊初入內閣見陳星齋曹冰持錢稼軒諸先生官
皆九列于前輩老中翰致敬盡禮公譙之曰拂座奉
厄命坐皆長揖甚恭今則有此調不彈之嘆

各道御史初授先以侍生帖拜諸前輩見必長揖
進署按資而坐稍紊者前輩訶之于與光生先後
入臺猶見此風今則罕有入陝西道列坐者矣璐

附識

翰林故事初入館於前輩投刺書侍生而口稱學生
七科以前則書晚生未及七科而官至庶子以上亦

書晚生洗諭以下則否竊怪庶子與洗諭講讀同爲
五品不應分別等差若此嘗問翰苑諸公皆不能言
其故但云俗稱庶不見庶而已心竊疑之今年歸里
質之家大人云于故籍亦無可徵但明有掌坊學士
之官而員不恒備多以庶子兼之蓋其始止於學士
稱晚生而其後亦用於兼官之庶子沿襲至今遂並
用於不兼學士之庶子矣

翰林前輩稱後輩曰館丈必四科以前之前輩或有
師生之誼者則可否則無是稱近見翰林一經散館

授職與新庶常作札輒曰館丈醜甚

乾隆壬戌以前翰林稱前輩曰老先生乙丑以後間有稱前輩者近者內閣都察院吏禮二部無不稱前輩設仍舊稱無不怪而叱之昔王凝稱司空表聖爲先輩東坡稱李方叔爲先輩所謂先輩寔乃後輩也明陳循任翰林學士保孔目馬昇授爲檢討仍兼辦文案事宜此辨事翰林之濫觴也商文毅極論之以爲非體雍正間掌院學士選近科編檢有吏才者充是選掌院先往拜後任事履任之日廳員再持雨筆

院名刺至門敦請然後出厥後乃有觚觚之嘆矣前明主會試三次者王元美推爲盛事我

朝能孝感五主會試范文端李高陽陳澤州朱高安張文和史文靖皆三主會試劉文正介受祉宗伯凡四爲總裁

璐按德定圍宗伯五主會試王韓城亦五主會試我朝科目有歷代所未及者二崑山徐氏三兄弟皆大魁一也彭訪濂與其孫芝庭南宮廷試皆第一二也惟百年以來尚無三元其猶有待耶康熙王子韓

幕廬以南卷置第二壬午王樓村鄉試已定首解改
置第六乾隆辛未吳橫雲會試亦定元復以策薄改
第二十殆有數存其間

康熙戊辰科仁和凌紹斐少習清著殿試對策用清
漢合璧體書置二甲未雍正庚戌貢士宋長城對策
有請廢科目之議置三甲未停其選用此元人所謂
過橋拆橋者耶

江南康熙癸卯鄉試一榜出兩鼎甲五尚書三大學
士典試者為編修王勗工科給事王曰高近則古爾

一科得人最盛十年中已出二殿元秦大成張書勳
由南巡召試授中書者三人

己酉浙江鄉試主考為任香谷王次山爾先生得人
最盛然名重當時者二人俱中副車胡稚威天游齊
次風召南也

會試同考房運亦有盛衰給事中劉顯績大興人明
季癸未本房得成克鞏大學士姚文然刑部尚書魏
天賞學士順治丁亥再為同考本房得王熙大學士
李之芳大學士程芳朝一甲二名太常卿蔣超一甲

三名宋琬川臬使又陳澤州官庶常時辛巳爲同考
本房馬世俊一甲一名孫錄二甲一名董含二甲二
名又康熙庚辰科仁和翁嵩年本房得張廷玉大學
士勵廷儀刑部尚書乾隆乙丑科錢相人琦本房得
蔣元益會元錢維城一甲一名戊辰科李然山金臺
本房得梁國治一甲一名汪廷瑛一甲三名丁丑饒
霽南學曙本房得館選分部卽用知縣二年老者以
教職卽用無一歸班者是科盧紹弓文昭王仲涵洛
本房所中俱歸班無一授職者

璐技饒公本房梅立本榜眼錢大經李宗寶陳蘭
森那穆齊禮俱翰林沈澹簡昌璘魯寶元及先君
俱部曹解秉智王裕增李鶴俱知縣卽用

東莞尹之達順治丁酉舉人至康熙丁酉年八十秋
榜發巡撫廷赴鹿鳴宴主試嚴思位贈詩云六十年
前攀桂客天留碩果到今時已從石室傳丹訣復與
瓊筵泛王卮金粟山頭清白吏珊瑚洲畔去來辭非
潛非見窮經術百歲常爲後輩師康熙乙卯鄉試松
江唐進士昌期年八十矣以萬歷乙卯鄉薦亦與先

後同年之會有客贈以句云鷹揚杖屨追前哲鶚薦科名接後賢乾隆己未趙秋谷與新貴遙認同年沈歸愚詩云後先己未亦同年辛未會試黃崑圃先生邀新進士至邸寓會同年賦詩飲酒輦下稱盛事至庚辰台試溧陽史文靖年八十亦循故事壬午閩中黃莘田任亦重宴鹿鳴自制軍以下俱作詩贈之莘田吾鄉許謹齋給諫所取士也

璐按重赴鹿鳴吾鄉丙子科有吳大燿順天甲午有孟琇已酉雲南寶鼎年百歲

賜進士壬子湖北萬年茂福建蔡漳浦陳材邱理德

湖南譚昌明重赴瓊林庚戌嵇中堂

順治三年丙戌會試中式四百名內山東九十九人狀元傅以漸聊城人也先是乙酉鄉試及京兆試山東共中式九十五人而丙戌聯捷進士者四十九人四年丁亥會試中式三百名內江南一百二十四人殿試一甲三名皆江南是科會元李人龍二甲傅臚于明寶皆不館選後至大學士凡五人呂宮黃文僖機李文襄之芳王文靖熙馮文毅溥馮丙戌中式至

丁亥始殿試

歷科館選無定額就一時之人才爲多寡順治九年壬辰五十員十八年辛丑十員康熙三十年以前以三十員爲率其後以五十員內外爲率惟六年丁未僅十二員四十八年己丑至六十四員五十一年壬辰至六十六員雍正五年丁未三十七員而他途用者甚多十一年癸丑七十員爲最盛

雍正癸卯館選五十六員乙巳散館授編檢三十三員用六部主事四員中行評博九員州縣二員教職二員內有文有保二十一名館選十九人有又無保十九名俱館選有保無文三十九名館選十六人文保俱無一百六十七名選四人清書止派五人傳臚張廷珩

特旨授檢討與一甲三人同入南書房館選後又補點帥念祖一人除庶常外另有記欲十七人着問有情願在官學教習者令其自陳又單點記名三十人以知縣卽用

雍正二年甲辰殿試後在保和殿考四書文一篇詩

一首命大將軍年羹堯閱卷又命九卿保舉後止憑
文錄用不由保舉館選四十人各部主事三十八人
知縣十七人清書派六人進士用主事知縣自甲辰
後始爲例

雍正五年丁未館選三十七人外以吏部主事卽用
五人以六部額外主事用二十二人以知縣卽用四
人以知縣試用二十六人以教職用五人

雍正八年庚戌一甲授職外顧成天胡宗緒二人俱
卽授編脩點庶常外用額外主事五十八人其餘分
頭等四十二員中等六十二員次等九十八員願就
教職者四十八員不用者一員宋長城

雍正十一年癸丑一甲授職外張若靄授編修任啟
運授檢討先是張若靄已定一甲二名拆卷後大學
士張廷玉懇求降甲繼以泣乃改二甲一名授編修
乾隆元年丙辰庶常外部用五十二員卽用知縣二
十一員丁巳庶常外分部二員卽用知縣三十六員
助教一員

向例額外主事三年期滿甄別其勤能者以主事選

用不及者改助教博士等官乾隆乙丑科分部者五十餘人及戊辰甄別留者僅十之三餘俱歸原班銓選嗣是以後則不留者少

鄉會試之有副榜者之前代名曰激賞順治戊子利詔天下廩生中副榜者貢至吏部謁選其最者以推官用次知縣次州佐增廣附學中副榜者入成均讀書滿一年送吏部歷事考用如廩生例後不爲例計順治甲午丁酉庚子三科皆舉行至康熙癸卯丙午己酉遂不許立副榜名色至壬子科大司成其後請

舉行如甲午例允行按禮部志稿明嘉靖五年題准會試各房間卷凡文字合式除正卷外將備卷每房少或五七卷多則十餘卷批詳次序一併付禮部查姓名以次填八副榜不拘額數

徐文敬公潮先世業漁生公之曰江湖大上一小舟爲風漂沒徐翁急救之得無恙僦舟者爲隣省孝廉入都赴試者翁延至家致雞黍之敬次日洗兒請孝廉命名以江湖之異遂名曰潮其後孝廉累不第而文敬早達至某科以編修分校孝廉得售適出其門

狀元宰相古今艷稱曰順治丙戌至乾隆辛巳百十
餘年凡得七人順治丙戌傅聊城以漸丁亥呂武進
官巳亥徐崑山元文乾隆丁巳子金壇敏中巳未莊
番禺有恭茂辰梁會稽國治辛巳王韓城杰宋人西
清詩話石陽修詩云皇朝四十三龍首身到黃扉止
四人謂呂蒙正王曾李迪宋庠也有明百八十年爲
科六十八閣者止胡文穆廣曹文忠龜陳方洲循商
文毅輅彭文憲時謝文正遷費鸞湖宏顧味齋鼎臣
八人耳至季年之魏藻德釋褐四年卽擢登政府卒
之稽首賊管拷掠責賂以至灼肉拆脛身死名喪又
不足稱矣

康熙庚午江南鄉試得人最盛時同考廖騰燿得劉
捷卷首薦時元卷已定主司欲置第二廖不可曰留
來科作元遂墮落而是科元卽捷兄輝祖也後數年
廖以御史典江南試以書屬輝祖授捷爲闈中物色
計輝祖星夜馳歸中途病阻書不得達廖入闈徧求
捷卷不得太息累日及揭曉捷已哀然舉首矣噫針
芥之合夫豈偶然向使輝祖不病授書區區一解元

何足以顯文字遇合之奇哉此事余聞之周文白民云

舊時翰詹編檢以上於中堂吏部尚書處投刺稱晚主於五部尚書左都總督稱侍生侍郎巡撫以下則否以余所見庚午辛未以前猶守此規嗣是則以侍郎巡撫稱侍矣旋於尚書總督稱晚矣近者又有於三品京卿稱侍者矣

康熙年間命翰林按官職所以而擬告身文字無須臨事粹辨不必專切一人積弊廓清無能行其私岩今毛大可集中數篇卽當日分撰者近日錫類彌廣凡馳封伯叔兄嫂以及外祖父母舅氏者悉蒙恩准而當日並未撰擬此數項文字近日誥勅房不敢另擬卽以父母之又加于伯叔兄嫂外氏竊有未安康熙戊子直隸總督趙宏燮爲其外祖郭某請馳封御史王奐曾劾其怙寵非忠忘本非孝語憲而刻聖祖持允其請許給誥命並許凡外祖之嗣者皆得援例奏請翰林某侍讀撰制詞有云緣情作則厥施用慰夫蓋臣遯本推恩其義寔通于將母當時傳爲

佳句蓋因人以撰文事由

特旨不得爲例中書科所書告身皆佐史之筆着泥金五色者潤筆尤豐明隆慶中司馬王崇古以泥金書軸爲言官所糾唐制皆名手顏公自書朱巨川一人而魯公季海同爲之書巨川賴此以傳至宋時則當制之人兼書字體不拘真行故當時以得歐蘇手筆者爲懷寶

卷二終

茶餘客話卷三

山陽阮葵生吾山著

計改亭東作者舊記康熙十一年海內耆舊重于長安者蘇門孫徵君鍾元年九十二北平孫少宰退谷年八十王尙書敬齊年七十一崑山顧隱君寧人六十徵君之學從象山陽明入而踐履篤寔大節不苟待郎之學以朱子爲宗五經俱有纂述注疏尙書湛深經術尤工文章古近體詩隱君專精訓詁之學考訂詳慎爲侍郎密友改亭止就一時朝士往來者言

國初有江左三鳳皇後又稱王樓村唐寔君顧俠君
爲三小鳳皇阮亭稱南施愚山北宋荔裳倦圃稱北
李天生南潘次耕趙秋谷以朱王並稱周桐野謂國
朝詩人阮亭第一查初白次之又其次則汪蛟門
有明墨蹟皆有程式相傳奉爲元燈惟主司明服拔
尤考官聲名由此而定計改亭謂洪永會元十五人
宣德迄天順會元十三人皆非雕飾之文成宏十四
人章楓山懋吳匏菴寬爲冠稍見法度燃未離乎樸
也正嘉二十人隆萬十八人如唐應德順之瞿昆湖

景淳鄧文節以讚王文肅錫爵馮具區夢禎李九我
廷機其文之矩獲神明若有相傳符節可以剖合驗
視其時天下承平士之起家非科目不貴科目非元
不重開門造車出而合轍作者與識者如針石之相
投也或謂吳無障默以偏鋒傷氣湯霍林賓尹以柔
媚敗度文運至此而衰然啟禎入元若曹勲若吳梅
村又何減前人也

乾隆辛未薦舉經學

命取生平著述其尤異者以聞後以吳鼎梁錫璣顧

棟高陳祖范名王俱授司業集議之初浙江胡天游
江南蔡寅斗亦在選中而胡名尤重舉主凡七人宣
城梅文穆毅成奏一人久居京師聲氣廣播恐非真
才遂不用胡終於副榜蔡壬甲縊于號舍

庚申靖江朱生館涇邑召乩仙涇之故進士仕武岡
州葉居仁至作詩云宜洛分攜後相思積歲年湖山
迷楚望風雨隔吳天立馬三苗寨騎龍七澤烟桐鄉
遺愛在碑版待君鐫詩調致佳余聞之揚編修樗園
廷棟

楊樗園朱裴園毛靜山之玉吳翼堂華孫皆癸卯選
拔在京爲扶鸞之戲忽降乩者自稱葉沃若葉亦明
經同年也諸君訝子方壯健未聞病逝安得至此乩
言今年秋某日卒于涇諸君疑信不能決乩言君輩
勿疑記某年歲除日在寧國學署西園古梅下商某
事否蓋樗園等在學署閱文隱事他人所不及知者
于是驚信爲真閣數日製文設祭爲位以哭之未幾
聞扣門聲則沃若披帷入矣諸君驚問何相逼之甚
沃若自謂計偕來京方下車爲諸君致信物因探懷

出信諸君乃相視大笑具言所以沃若後中幸未會
試榜發已卒亦奇

顧復初棟高以經學授司業年逾七十不復出山丁
丑春迎鑾獻所著詩書兩義蒙

恩加祭酒銜又數年而終復初康熙辛丑進士性倨
慢不合時官中書與堂上官齟齬僅三載卽歸田生
乎以窮經著書爲事自幼至老未嘗一日不讀書於
五經皆有所發明掌教淮陰從遊甚衆夏日不見一
客墜閑重門解衣脫履履至寸系不掛匿帷後手一

卷不輟辛未經學惟祭酒無愧色耳

忠勇傳公治園亭落成

上臨幸賜額曰春和園衆以爲春和景明意按宋趙
立夫知臨安府有治績入對理宗語之曰今京師細
民當一意摩撫令常在春風和氣中立夫遂以郡西
建春和樓以推廣德意乃知眷寵之中意成勗勉豈
徒賞其風景哉

樂毅稱樂生賈誼稱賈生相如稱馬卿太史公稱馬
遷武侯稱葛亮李膺稱李君阮籍稱阮公阮生稱康

稱嵇生山濤稱山公王導稱王公郗愔稱郗公安石
康樂元暉皆可稱謝公庾亮稱庾公杲之稱庾郎王
凝之稱王郎袁粲稱袁公江淹稱江郎徐陵稱徐君
杜甫稱杜公杜子老杜李白稱李侯李生孟浩然稱
孟公韓愈稱韓公韓子韋應物稱韋公白居易稱白
公曰傅元稹稱元相李紳稱短李劉禹錫稱劉郎老
郎温岐稱温岐杜牧稱小杜之類各有所本不可假
借假令稱甫曰杜生白曰李公知復為誰耶不但此
也古今人姓名相同而賢奸雅俗一薰一蕕不可少

混如兩張敞一京兆尹一令史匡實武者兩張詠一
乖厓一為孫皓所殺兩李綱一隋臣一宋相兩張儉
一漢黨人一唐臣兩李唐一漢黨人一梁武時人兩
廉頗一趙將一梁將戰沒為神兩蔣相如一趙臣一
梁武時人為父報仇者兩董仲舒一江都相一齊直
閣將軍兩韓安國一武帝時一成帝時兩謝安一漢
下邳人一晉臣兩徐邈一景山一東晉中書侍郎兩
江革一漢孝子一梁貞臣兩王嘉一子年作拾遺記
一漢相兩張載一孟陽一橫渠兩薛仁貴一武將一

文人注易兩劉宏一漢司空一晉都督兩朱熹一文
公一晉龍驤將軍兩葉夢得俱號石林一始蘇一貴
溪三邵平一陳勝將一齊相一東陵侯三劉毅一東
漢平望侯一西晉司隸校尉一東晉南平郡公又有
兩王褒兩王猛兩劉向兩劉琨兩陳遵兩韓翃始末
易更僕數矣然皆君子人也兩李定一書蘇子美一
書蘇子瞻兩胡廣一漢一明兩蔡京一唐一宋兩張
昌宗一昌齡兄一易之弟兩朱買臣一漢太守一梁
臣兩趙普一王莽將軍一宋相皆小人也亦復不少

至若漢有埋輪之張綱宋有棄官之張綱南燕有殺
母之張綱漢有斫京之張衡隋又有弑主之張衡晉
有陳情之李密唐有作亂之李密漢有飛將軍李廣
北魏有文士李廣又有賊帥南岳太帥李廣明又有
宦官李廣有亡秦之趙高光武時又有清河太守趙
高有降虜之李陵又有太常李陵臧洪為莽太保三
國又有義士臧洪吉瑱為唐酷吏又大歷詩人吉瑱
則美惡殊科不第孔子似陽虎矣更有不倫者梁太
常丞唐堯漢臨武長虞舜不更誕耶

神農名大魁虞舜字都君舜妹名嫫見說文天皇名
 獲字子澗地皇鑑岳字子元人皇愷胡字文生后稷
 字庚辰蜚廉字虔父文種字子禽友翁名黨微子名
 開箕子名胥餘子產字子美孫叔敖名饒百里奚字
 井伯孤竹君姓墨名胎伯夷名允字公姓叔齊名知
 字公達易牙姓雍名巫接與姓陸名通計然姓辛名
 研字文于介子推姓王名光華周名旋杞梁名殖朱
 張字子弓杜康字仲寧鬼谷子姓王名訓一作詡申
 公名培項伯名纏叔孫通名河東園公園秉字宣明

夏黃公崔廣字少通綺里季朱暉字文季角里先生
 周術字元道侯芭字舖子壺公姓施名存嚴君平姓
 莊名遵莊周字子休又名艾字文獵陳仲名已字子
 終許由字仲武李斯字通古曹操小字吉利又小名
 阿瞞佛印姓謝名端卿陶侃小字溪狗漢光武小字
 呼庚信小字蘭成崔顥小字桃蘭相如名大子庚信
 兒名狗范蔚宗小名磚頭白香山姪名龜又女名羅
 子東坡孫名楚老子由子遲小名梁适小名羅遠小
 名虎兒王安石生時獲入產室小名獲郎文天祥字

宋瑞小名雲孫小字從龍宋孝宗小名羊辛稼軒有
印曰六十一上人朱子小名沈郎小字季延陶穀小
字鐵牛仲雍字熟哉墨字姓翟名烏

謝莊以風月山水景名五子颺臄顙統瀟也宋子虛
名五子鑫森森焱圭

東坡得鐘山泉公書寄詩云寶公骨冷與不聞却有
老泉來喚人果老蘇號老泉敢作爾語乎惜不令焦
文端聞之也

顏魯公僕名銀鹿柳公權編僕名海鷺蕭穎士奴名

杜亮秦擗小奴名研童婢興兒辛稼軒侍者名錢方
萬里二婢曰周勝雪劉玉榴蕪小小一石簡簡秦檜
妻王氏自號中正先生白香山婢曰春草愛妾換馬
之鮑生二妾曰蔓蘭小倩

方丈僧居也寔室也園室囹圄也道士居也禁中大
內也幽室也閤內國門也閤閣也檻楹也穿也闌干
眾憊也眼匡也夜深也尺宅陋居也面也寸田地少
也心也秋木劍也眼也芙蓉劍也面也舌也帳也水
花也木花也山峯也太史天官也翰苑也黃門奄人

也給事也貂璫貴戚也刑餘也典刑老成人也大辟也金石文字也交情也圖書經史也符印也流黃顏色也機組也琥珀丹石也酒也玳瑁石也龜甲也筵席也瑯玕石也篠也六寸筆也筭也歲時花也鎖也昔者馬芻也訓士官祿也

螭蟻孫夫人祠廟有池陽明經往游題其柱云思親泪落吳江希望帝魂歸蜀道難夜夢夫人來謝

李穆堂跋記問最博而持論多偏在明史館謂嚴嵩不可入奸區傳纂修諸公爭之李談辨雲湧縱橫莫

當諸公無以折之最後楊農先學士椿從容太息曰分宜在當日尙可爲善可恨楊繼盛無知小生猖狂妄行織成五奸十罪之疏傳謾後人遂令分其含冤莫白吾輩修史但將楊繼盛極力抹倒誅其飾說誣賢將五奸十罪條條剖析且辨後來議恤議謚之非則分宜之冤可申穆堂聞之愕眙自是不復申前說穆堂七十任光祿寺卿履任之日查閱冊籍復至實祿館諸公問今日何事穆堂歷舉筵宴器物制度無遺蓋一過目輒能記至老不改

陳望之中丞淮家藏迦陵填詞圖卷書色剝落名流
題詠甚夥吳慶伯農祥題跋尤多洪昉思昇題北曲
一套極風流蘊藉彭美門孫適調浣溪紗云一曲烏
絲絕代工碧簫聲裏見驚鴻紅公小撥玉玲瓏幾度
牽縈蘅薄夢半生消受桂堂東教人妬殺畫圖中卷
屠襄文達曰修題句云少年曾檢花開集最愛迦陵
絕妙詞今日丹青初識面瓣香真欲奉吾師友如徐
庾當時體詩是蘓黃一輩賢却被曉風殘月誤頭銜
甘署柳屯田百年名輩風流盡毒也疎豪古丈夫爾

日侍香何女史驚鴻一瞥世間無卷中詩伯首漁洋
諸子飛騰各擅場一事難忘惆悵處不將餘瀝貌雲
郎載笠圖成並軼倫斷續隨手逐風塵中郎莫抱無
兒恨世守芸香大有人

張南華詹事今之謫仙也天才敏捷詩具宿慧興到
成篇脫口而出妥帖停勻嘗試

保和殿未停午衆方執筆著想聞有投卷者衆曰必
南華也與涇南司寇同奏事乾清宮門下涇南攜一
漢製玉羊南華曰詠此可乎卽口吟四十字語未畢

殿角澆然聲震衆驚顧乃四奄舉一大水繩斷米墮地碎且迸南華曰咏此可乎卽復吟四十字衆驚嘆叫絕一日午門送

駕館閣諸公各喝一韻應聲立就頃刻成數十首喝韻詩古人所未有也南郊視壇家叔同以講官侍班於齋官舖棕處侯

駕因指棕字爲韻南華衝口吟數十韻至鳳耶凝雲物霓疇屬苑虹山河扶棟字日月倚簾櫺天闕常依北招搖漸指東尤警絕如河縣瀾翻不能自休羽林

期門之士環繞聳聽詫爲異人會

駕將至始悚惕輟吟噫伎至此乎南華少時作迴文賦八首自然清麗亦前人所無也

王墻東汝驥選明文治風行一時然已盡破前人之法曩聞何義門焯選行遠集其指歸悉本閭潛邱詠李安溪光地前後選諸集皆徐壇長用錫何義門所手定者方靈臯苞選四書文其總批線批皆由兵曹郵寄周白民振采改定然後出示同館蔡芳三寅斗選三十名家白民沈易其大半前輩於選事慎重如

此若命西園百二十家因文以存人徐山琢越嶺雲
編自刻其家藏世不常見者以多爲貴近人同風錄
等背墨曠無關選法又當別論也

江左酒人推顧淡君嗣立第一居秀野園結社家有
酒器三大者容三十觔其兩遞殺凡入社者各先盡
三器然後入座因署其門曰酒客過門延入與三雅
詰朝相見決雌雄匪是者毋相溷酒徒望見懼伏而
去亦有鼓勇者三雅之後無能爲矣在京師日聚一
時酒人分曹較量亦無敵手一時方近斐觀莊書田

楷繆湘芷沅黎寧先致遠皆萬人敵也以子所見勵
侍郎滋大宗萬李臬使寧人治運陳太僕句山兆崙
徐侍郎石溪逢震顧京兆息存汝修亦頗論觴政足
稱後勁近人則素尚書爾訥索侍郎琳亦一時之雄
沈端恪近思字聞齋幼依靈隱寺僧誦輝旣已披荆
復延師課以舉業遊庠遺俗無所歸徘徊于西泠橋
下遇項某識其非常邀至舍妻以女成進士任選君
以清介著不可干以私後爲御史大夫雍正丁未卒
于位聞卒之前一日出端門瞠目若有所見呵曰此

何地爾等敢來卽來何須多役時戶曹郎姚均風培和隨其後問公與言者爲誰曰衙役寔無一人也姚訝之次日公薨

沈南疑燕京春詠五十首曉直歸來數八碑但逢三五去朝天東堂舊有承恩事大例關支月俸錢暖牖新鋪小炕床乳茶紅映玉壺光日長院裏無宣喚緇得清書又幾行春店烹泉開錦棚日斜宮樹散流鶯朝來漫點黃柑露馬上新茶已入京蓋咏庶當之在館者

科名得失遲早高下莫不有命戊辰會試鄂虛亭司馬容安閱江南卷已中定三十卷又選其次者十卷暗藏枕下以防意外更易及進

呈前十卷內江南一卷後場犯諱撤去急命小胥取床頭十卷來十卷固亦自別高下而小胥抱卷急趨逾限而仆倉皇甚信手拾取以進鄂公卽取最上一卷置十名進呈

欽定第一卽今儀部鄭前部郎中忬

京師目翰林爲豪賦譏其臃腫而緩步也科道爲老

鴉發聲不祥也又以富貴威武貧賤比六部吏曰貴
戶曰富禮曰貧兵曰武刑曰威工曰賤也又以喜怒哀
哀樂分屬吏部四司亦確

老學菴筆記一則云吏戶刑三曹富饒他曹寂寞時
人爲之語曰吏勳封考三婆兩嫂戶度金倉細酒肥
羊禮祠主膳啖壘吃麵兵職駕車齧薑呷醋刑都北
門人肉餛飩工屯真水生成惡鬼

茶餘客話卷三終

